

故舊文存卷四

趙祖銘

書駱慕韶明府

千灌萬辟如金出治廉悍之色咄咄逼人

碣夷渤海之陘負鹵瀉土有山礧然坻嶠陂陁風陰朝夕而峙於東北者碣石也步自碣石西南廣漠有甌脫百里地隔海與登萊相望古置爲州或易爲鎮金世宗大定二年置樂亭縣沿六百年無改所治無巉巖廣藪而獨受灤流入海之水灤於音義爲濡之轉故水經有濡無灤惟灤性湍悍而善徙源自獨石口外巴延屯圖

古爾山流經邑治東南蜿蜒達海遙望碣石攢互疊巘如列屏然盛夏霖潦灑溢爲災至與邑西清河交流爭道壞田廬夷邱塚以是失業者滋多兩河民俗習於剽鷙報仇殺人啓然不顧法之所忌有所謂刀匪也嘗見縣尹受代必名捕之而卒不可得者蓋其輕財揮霍肺附者眾衙前走卒咸樂資耳目焉大猾商攀桂者以梟桀稱雄尤遠近人所指名能以兵法部勒其徒郇咸依爲用商居址瀕河毗近昌黎昌黎素患多盜商所至如鷙鳥巨鱗眾皆惴惴然能以狙智小惠詐孚於鄉之小夫婦人以是夷詬無節者又謂商丈夫也商有仇居昌

黎使其黨攫殺之怨家以狀上商又求書狀者支解死
由是名益劇而愈無所顧惜官府上下莫不欲鉏之然
皆畏其難無敢發者先是新化游公守永平繩嚴博劇
旣去其燼復然至是商總其局凡家之棄子野之嫠農
博徒謫脅無慮數百里然必求商尸之以爲所恃無恐
故商攀桂之名益張臺司交檄鉤索責文武吏逋慢歲
庚寅春明府單車受代首清積訟一日判數十牘已乃
求得大奸劇惡嘗螫噬於民者杖殺數四吏皆屏息駭
爲神他縣民聞君頗攝錄盜賊相與聯裾叩閤曰願爺
兼活我君佯謝未能曰令各有治地可以侵官邪未幾

則前所訐者皆置諸法當是時商畏罪竄匿轉伏黑陀
顧姓家有悍黨王姓者翼左右蹤頗譎一日君部署定
偕同幹捕營兵候漏四下出北郭紆行數里掉鞅南從
者請所往君曰入某里取商賊耳眾灑然色駭然莫敢
言質明圍其宅發銃射擊商顧勢孤將面縛請死王獨
號闕誓以死拒扃其戶闕窗發槍彈相持明府督眾仰
攻兵勇被創者四五君令人一束薪編菅蒸其室火跼
跼乘室光照十里王奮死奪門搏戰久之商創甚就擒
王力竭亦自殊光緒十七年正月十一日也詰朝假便
宜梟商首已乃上其事臺司慰勞有加旬日間聲傳謹

三輔無婦人小子皆能道駱君姓字駱君名孝先山東濟甯州人由廣東巡檢以剿寇卓薦晉秩知縣所至有聲而浮湛一官殆二十年可謂難進矣吾嘗觀漢宣帝地節之初渤海左右郡盜賊並起丞相御史舉龔遂守渤海時遂年已七十餘既至郡下教令持鉏鉤田器者爲良民持兵及者乃爲盜賊因相率棄其弓弩更持鉏鉤吾疑盜不若是易化也意遂先必捕得一二盜首治之如法而後徐以德化與民更始若未行一令未鉏一盜而以所持定爲盜賊與民將使良莠摠迹盜賊乘間肆發其爲禍當更烈也夫遂亦特脅從罔治焉耳謂其

盡釋不問則紀載之失實也今明府誅除甲乙賊彼黨
賣其刀而買犢將不待教令是一舉而寬猛具焉嗟乎
得君如漢宣遂尙以年老不任公卿則夫明府之所以
不遇於時也悲夫

雙清別墅記

語語生造非熟精文選者不能而又不襲其面
貌

出京師西直門崒嶸西山如圍半缺夔絕萬松之表者
曰香山由明清沂及金遼浮圖宮館據其層巔其竊而
平者且十晦山下輦路皆石礮透迤陂陀自東北入宮

門詰屈上升廣不盈丈高可百尋壑谷谿澗西南重巘
連延岉嶬有峯巒蹒如伏蝦蟆又如羣馬北首揚鬣前
驚水聲泠泠流出石罅淅然中開匯注方窾之池者雙
清泉也泉之旁松檜數十攢羅曲枅杈枒相觝古柏兩
株對列若兄弟礫硤瘦節黛色參天傳者曰金章宗手
植千年物也西山周迴百餘里勝蹟者八然莫如靜宜
園靜宜園之奇景廿八然莫如雙清泉循泉逆折負巖
內嚮闢地可三畝其上有睥睨梁欂櫨楯蓋燹火摧剝
前代翠華臨幸之址彷彿存焉閣部熊公旣治畿輔之
水灑澹沈災節嗇儲財圖規久遠始於香山東麓建以

爲慈幼院經始已未之春涉夏經秋大功告成又以爲天然泉石辱於灌叢攘剔修平軒豁呈露爰闢爲別墅爲奉親避暑之所因松爲屋卽石起基綠窗綺疏睥睨巖半君子之舉事也度越八表而不遺乎耳目之近惟公樂行憂違素乎其位蓋無往而不得其所適者也園之得名以泉巨石當中門形黝似鐵狀獰若夔森然北面立南接岷壘登降弛靡又若頽領斷齧嘉木異卉猗猗歲蕤東行數十武過小橋爲露臺案衍壇曼可坐百人承以巖洞下臨芳池池北有亭與臺相直又北爲賓館方井旋室嫵媚相扶露臺側出爲斜徑懸崖時衡孤

松挺植巖尻團團似張蓋迤邐東下薈薇蒙絡繚以矩
垣垣外爲平山廣與崇方量之盈半晦每當斜月西上
素影暖空遙望京師白烟堆阜俛閭墟里光閨若螢依
稀可辨亦奇觀也今年盛夏予從閣部入山窮幽選勝
飲酒賦詩拊摩蒼松邈然有世外之致而四方交遊賓
僚故吏至以比平泉綠野公尤深自歿晦理亂厭聞然
閣部以一身繫天下之望揆諸後樂先憂之心其不能
鬱鬱久居此者亦固其勢之有不容或已者歟已未秋

日趙祖銘記

清直隸州判嚴君墓表

句錘字練無一語不自己出而用筆抑揚尤得
言外之意

君諱應麒字聲錚國變後易名野先世明初蘇山右來
徙占籍直隸樂亭祖諱某考諱某均業儒蚤世君二歲
而孤母劉太孺人撫之成立本生祖政齊府君爲延師
教課君髫髻環穎財踰成童應試裒然冠其軍補學官
弟子君在羈貫敦恂儁傑塾師所授惟制藝帖括私獨
發憤窺取唐宋諸大家文汎濫渟蓄歸埶造詣儼古賦
物塾師怪其違迂舉業君固自喜爲之益勤甲午鄉試
以副榜準貢至是年逾三十忿愾積放屏棄一切章句

佔畢揖志追古人而從之披皮異書稽諏經史而於詩
用力尤深輟餐墮寢直與世抹掇朋遊公讌銓壇贈答
中酒鬪均傾其座人予與君弱冠締交衡宇望瞻過從
者數壯歲飢驅浪迹南北嘗三四年不見顏色君書問
殷勤時以詩贈投予有篇什亦輒就君函相違覆君排
繩字類抉摘豪芒偶或不安揚摧往返互訟交嘲以謂
商量邃密解此者吾道誠不孤也君以直州判註銓騰
錄議敘例得分省補官君念少孤持門戶大母及母兩
太孺人重闈侍養絕意仕進率先妻子捧匱視膳承兩
老人之歡其事母劉太孺人自少至老無幾微之忤尺

布一錢非母命家人無敢刺覷歲時伏臘戚故問遺以
及衣被食飲怏然一秉劉太孺人意旨殆庶幾所謂養
志者君性坦夷不露圭角居恆辟遠事物是非至於地
方公益官與紳民刼持艱危倚君卒辦六十後病酒喙
嗽累數年不瘥甲子首夏遊於碣石自謂嘯噲清氣可
已宿疾而愛翫泉壑日耽吟詠雖復落落可奇然覽其
詩氣已竭神已徂其後九月而君赴問至矣君於書無
所不讀其名於時獨以詩其卒也竟以詩殉然則人之
所學而能者將卽其死之諡邪而死之必以其能則又
何也君兩娶皆李氏男子四鵬華鳳華鶯華鶚華女子

三長適李次適劉次待字鳳鶯皆耆學能世其家鳳華
留津大學將哀君之遺集梓而行之君卒甲子夏厯九
月十三日春秋六十有二踰月葬君先阡村北之原下
窆無薶幽之石撮敘行誼謹表之於壙

黃維翰

黑水先民傳自序上

駿偉樸茂氣味骨三者逼近秦漢文字

山海經幽都之山黑水出焉山處北徼其主名代有變
遷以水之自出考之當爲今肯特山其水有二源東北
流千里而合東過額湫古涅又東至於察哈鹽南過精

奇尼又南受粟末之水東至於完達東迤北入於北海
唐暨五季仍舊稱遼史兼稱黑龍江清初作薩哈連烏
拉後置黑龍江省薩哈連譯言黑烏拉譯言江非二名
也濱水之國肅慎最先後或稱挹婁或稱勿吉隋唐之
際稱靺鞨遼以降稱女真方語重譯故文異而音略同
上古聖人作弧矢以威天下肅慎去中國絕遠乃傳其
制經言黃帝顓頊子孫有降居大荒以北者肅慎豈其
苗裔耶自唐虞三代時肅慎氏以楛矢石砮來賓其後
源源至中國不絕隋開皇初與宴勞禮使者與其徒皆
起舞曲折進退作戰鬪用兵狀隋主駭爲天地間異物

唐書稱其俗勁悍善騎射遼史亦言女真兵滿萬不可
敵有清之世四征不庭胥師武臣力而索倫一旅尤以
勁悍名天下蓋其習俗使然非一朝一夕之故也中國
之水南部莫大於江中部莫大於河北部莫大於黑水
長江流域山水瑰麗其民秀而文其習俗靡麗夸大得
天地之春氣焉黃河流域土厚水深其民樸而質其習
俗伧爽尙禮義得天地之夏氣焉黑水流域其山蜿蜒
數千里高或際天叢林老樹若龍虎相搏擊熊羆豺虎
鷹鷂之屬駢蹄累跡白晝出攫人爲糧其水黝黑湍急
蛟龍魚鱉所窟宅老蚌壽踰千歲孕明珠其族環而居

若城郭善水者不敢犯犯之輒創其野豐水草多馬牛
馬牛以谷量其人民種族繁約之爲打牲游牧力田三
類咸猛鷺輕趨精騎射地苦寒季秋卽大雪皚皚數千
里冰厚踰丈萬物咸蟄而人民日益發舒伍伍什什臂
鷹腰槍矢大合圍山谷間或選車徒齊馬力載麥與豆
輸他境窮日夕行騰趯冰雪中習以爲常蓋得天地秋
冬之氣焉夫物之生也蠢於春大於夏而成功於秋冬
自遼而金而元暨於有清咸崛起黑水之濱龍驤虎步
南向以制中國雖曰人事豈非天運使然哉今者天下
一家無此疆彼界之別諸夏人物稍凋耗矣而大荒以